

張北縣志

陳繼淹署

72281

卷首

目次

序	影圖	編志職員表
凡例	目錄	
卷一		
地理志上		
沿革	內蒙古歷代沿革考	
經緯度之位置	張北縣各旗羣之變遷	
疆界	四界八到	幅員
形勢		
山脈		
河流		
諾爾	〔湖泊〕	
氣候		

張北縣志卷首

目次

序

影

圖

編志職員表

凡例

目錄

張北縣志 卷首 目次

一一

張北縣志序

張北設縣始自民國二年其縣治爲元興和故城舊爲張家口同知所轄南倚長城北接蒙古高原固塞外之奧區而國防之重鎮也清金副使修三廳志舉凡土地人民政事猶具規模然時易勢遷已不足信今而傳後余守察之三年創修察省通志命各縣編修縣志以備採集張北縣長陳君繼淹乃廷聘士紳從事編輯綱舉目張不期年而縣志告成洵可觀也夫天下事非作之難而創作者實難張北僻居朔方有史以來滄桑屢變夷夏迭主而風土之記寂焉無聞迄今湖遼金元之遺烈文獻無徵流風泯矣斯志之作其爲張北開一新紀元乎他日者攷山川之起伏思所以設險而守國觀文化之樸塞思所以易俗而移風物產非不豐也實業必講交通非不便也路政宜修名宦鄉賢繼踵而起俾中華民族之強盛得於一縣肇其基是則余所厚望者夫故樂書數言弁之篇首以告後之覽者

中華民國二十三年十二月察哈爾省政府主席樂陵宋哲元序

張北縣志

序

一

張北縣志序

志書者一地方之歷史也在昔省府州縣各有志乘其歷代疆域沿革文獻興亡臚叙原委皆足以供研討而資濼則張北地接蒙疆設縣最晚秦漢三代以前無確實之記證迨及宋元忽華忽夷事蹟雖多紀載不詳清初屬張理廳管理民國三年廢廳改縣始名張北設治於張家口下堡城裏六年就興和舊城遺址建築公署始遷移焉即今之張北縣也張北事略僅散見於口北三廳志並無專書可考二十二年秋余奉命任察哈爾省政府委員兼長民廳適組織省通志館並令未經修志之縣份迅將縣志促成以備采輯是年陳君繼淹知張北縣事鑒於地方秩序逐漸恢復凡百政務推行無阻提議重設縣志編修館經地方公推張紳子元充館長着手編纂年餘以來縣志告成茲觀其體嚴義賅考證翔明在張北初次創作已屬難能可貴此後普及教育振興實業繁榮社會鞏固邊防察地勢之需要應時世之潮流因革損益悉惟地方官紳是賴有以發揮而光大之將來文化孟晉屹然爲塞北重鎮未始非地方官紳和衷共濟之功固不僅以纂修縣志徵文考獻畢乃事也爰泚筆而爲之序

張北縣志

序

一

中華民國二十四年八月沂水秦德純識

張北縣志序

樂陵宋公主察政創修省志命余爲通志館館長復檄各縣搜集縣志以供取材於是各縣舊有者續修未修者創作風聲所樹如響斯應甚盛事也張北居蒙古高原遼金元之遺跡猶有存者清金副使作口北三廳志略具規模自改設縣治以來疆域之變遷政教風俗之遞嬗與張家口同知時代已不可同日而語然則縣志之修非仍舊貫實改作也陳君希文知縣事百廢俱興乃與邑人之富有學識者從事編輯葺年而縣志告成出以示余并屬爲序余觀其體例之精嚴採訪之翔實且可與省通志先後出書然後知爲政在人信不誣也夫凡事當艱難締造之初苟安者或視爲不急之需多敷衍以塞責求黽勉從事不敢告勞者十不獲一今之從政者殆天下事尙可爲乎希文從

宋公久其奮發有爲之志早知其迥異時流修志特其一端耳今察哈爾省爲國防要地而張北適當其衝後之覽斯志者勿謂爲粉飾昇平之舉而具綢繆牖戶之心是則余所厚望者夫

中華民國二十四年桃月察哈爾省政府秘書長諸城楊兆庚序

張北縣志

序

一一

張北縣志序

國家有史，地方有志，所以明風土，別人情，考興衰治亂，知疆域沿革，而賴以繼往追來，敷政播教者也，惟周禮有小史之官，春秋寓褒貶之義，故苟得其人，則取材謹嚴，紀載翔實，然後可以流傳久遠，信而有徵也，張北塞外重鎮，省會屏藩，軍事重心，交通孔道，自遼元明清以來，爲歷史重要之區，民國肇興，始行設治，惟縣志迄無專書，蓋亦以未得其人耳，陳君希文，於二十二年秋，出宰斯土，未及二載，於本縣文獻邑乘，搜羅靡遺，悉心考覈，又能不辭勞瘁，不畏艱辛，或安國據筆直書，或鑿齒因文裁正，誠可謂得其人矣，今已編輯完竣，將付剞劂，余觀其繁簡合中，紀載詳盡，內容豐富，若網在綱，凡所以明風土，別人情，考興衰治亂，知疆域沿革者，包舉無遺，喜其信而有徵，足以流傳久遠也，因略誌數語，以告後之宰斯邑者，所賴以繼往追來，敷政播教者，則陳君希文實肇之基而爲之導，其規畫創制之功，誠足以與此志，同不朽也，至若告成之速修纂之勤，猶其餘事耳，是爲序，涇陽張

張北縣志

序

一

維藩識於建設廳。

張北縣志序

自來敷政播治必因時因地而制其宜庶乎效績可冀縣爲政治之標的舉凡疆域沿革文物興替以及風俗醇駁在在有關於國計而繼往開來因革損益又非文獻莫徵此周官定小史之掌也張北爲北路重鎮鎖鑰蒙邊隸通中外丁茲屏藩破碎風雲險亟尤當國防之要隘焉故其一鱗一爪一事一物靡弗發人深思愛敬興感者縣長陳君希文爲政悉中卻窾雖受命於艱虞之會而編修縣志規畫綦詳不辭勞瘁書成屬序於予瀏覽三復簡賅翔實莫不紀載無遺如山川之險阻人物之忠貞風俗之休美物產之饒庶歷歷如數家珍儻繼之來者發揚而光大之則陳君與與事者之功洵不沒也是爲序

民國二十四年九月皖蒙過之翰

張北縣志

序

一

張北縣志序

縣誌鉅典也；政教之所以興，風俗之所以厚，山川奠麗，人物蕃昌，翔載實紀，傳諸久遠，勿論守斯土與居斯土者，展卷了然於指掌，可以昭前美，興後賢，斯典之鉅，豈過言哉！

我察省北部，地接邊疆，慎固防守，撫綏黎庶，爲當今之急，尤不能不有誌；使後之覽斯文者，振袂興起，知「備邊爲安危所繫」，「人存則政舉」，固不難夫政教，風俗，山川，人物之發揚而光大也！前美後賢，相與輝映，斯又鉅中之鉅，亦爲余夙夜欣喜無似者也！

張北爲察省北部縣之一，今也誌稿成，將付梓焉；縣長陳繼淹，來函約序於余，余不文，謹書此以答之。

中華民國二十四年八月趙伯陶於教育廳

張北縣志序

察哈爾位中國北部素稱荒寒高燥之區改省未久百政闕焉而張北縣亦屬新設南接省垣北通內外蒙古不啻察省門戶衝要地也自樂陵宋公蒞察歲甲戌值疆事稍定有修輯省志之舉創始也設館於省垣總其成謬以余領總纂席乃擬訂調查綱目頒之各縣俾易舉行縣各設館禮聘一時賢才分任之蓋正承全省兵燹旱荒匪亂之後地方殘破人民流離稍爲安輯整頓不及半載耳察之屬縣南北稍異南爲舊宣化府所隸十縣則向歸舊直隸文化漸被較早又多有縣志雖相距年代遠近不同既有書可考採取較易北則張北商都康保寶昌沽源俱新設縣文化輸入既晚又向無志書採訪頗難而張北所集材料獨詳其於水利調查有泉之地尤夥使次第開濬引以灌田實利及民大足救塞外高燥旱荒之患爲西北各地倡可謂知所務矣此固山縣館諸君子從事之勤亦以縣長陳君希文材兼文武勇於任事監修之認真也乙亥歲旣以所採報省館復編輯而爲縣志是可爲本縣文化發軔之始基後之來者有所考焉將付刊館中諸君子以函求序於余不揣譎陋聊紀其始末以應命時中華民國二十有四年歲次乙

張北縣志

序

一

亥孟夏梁建章書於察哈爾省通志館

序

文以載道書以記事洪荒之世疏仡循蜚紀多荒繆故不與典墳邱索共傳攷實錄者布在方策是以國有史縣有志體例雖殊其義則一要所以知因革損益而促進文明者也張北地處要荒設治最晚其間復迭經政變對於掌故未曾計及識者憾之癸酉之秋余襄辦本省軍務復受命來守茲土時省志館尙未成立特請省府纂修張北縣志以邑人張君子元董其事輶車四出博採周諮凡關於地文人文彙集靡遺越一年行將蒞事付之剞劂索序於余余曰著述之繁莫過於志書而應用之鉅亦莫過於志書此志旣成不徒開張北縣破天荒之新紀錄抑以爲開發西北參攷之一助也莫爲之前雖美弗彰莫爲之後雖盛弗傳後之繼吾任而蒞是邦者觀風問俗之暇其將有感於斯文

中華民國二十三年歲次甲戌梅月河北阜平陳繼淹識於張北縣政府

張北縣志

序

新纂張北縣志序

今邑志卽古之史也周官分置外史小史各掌四方邦國之志古之志皆以史領之而志又通謂之史春秋時列國各有史如晉之乘楚之檮杌魯之春秋皆史也自漢書始作地理志言其歷代著錄往往撰鑑記史多以不作志書爲憾第以志參史體志卽史也其不同者史記天下之事志記一邑之事是以志有佐史相爲表裏不可不詳覈而記載之但記載貴乎得實而言期於有用使因革臚列以求其備且詳焉惟邊邑與腹省迥乎不同追溯遼金元以前不過荒服之地考諸明初僅在興和設衛而迤北卽屬林丹罕蒙部轄域滿清以來改察哈爾爲八旗分佐治理另設牧羣台路又撥王公廠地由此漢蒙廣集日漸開闢凡百政治亟待經理故而先置廳以理事後改廳爲撫民皆設衙署於張家口內藉資僑治迄至民國二年奉令改縣民國六年移治口外興和城卽今張北縣也稽其以前多係蒙古文言鮮於紀錄徵諸以後二百數十年來除口北道僅在清之中葉略事彙輯三廳志外後無繼辦之者若論歷任廳縣概未舉行辦志不止張北一邑爲然也惟是志書有關建置沿革星象機祥關山道里土風物產食貨兵防文人賢媛

張北縣志

序

一

利病存於是得失見於是勸懲亦寄於是由此觀之何等重要如無志則山川毓靈忠孝節義何由徵文獻而成民俗客冬邑宰陳公希文鑒於縣志爲急務正擬呈請適奉

憲檄限期編纂爰卽設立縣志館力行趕辦聘余爲館長自慚樗材寡聞孤陋迭辭弗獲勉承仔肩分組進行或檢現有之成卷或考固有之事蹟博採旁搜夙夜審核分類編纂略有所集幸邀老友許君聞詩出任總纂資助良多僅於一載於茲克告全書集成究不免蠶測管窺缺漏匪細今所爲志者乃係草創焉耳若夫加以潤色則尙有待 賢達指正之是爲序

中華民國二十三年夏曆十二月張北縣張子元謹撰

張北縣志序

張北係察哈爾省屬縣之一且爲口外各縣之冠而縣志闕如相形減色無怪國人以蒙古視之夫視之爲蒙古者以文化落伍之故以文化落伍之縣而猶欲創作縣志談何容易是以屢經提議終未果行迄癸酉冬陳公希文來長斯邑極力提倡事在必行惟茲事體大種類繁多究非一人片時所能成遂推張紳子元爲館長聘許君得三爲總纂期限一年以專責成該館長等殫精竭慮盡力工作如期告成不可謂不迅速矣追溯創作之始殊非易易上下數千年之歷史縱橫三萬方里之版圖百數十年湮沒無證之事蹟較夫內地各縣面積狹隘迭次增修文獻猶存者其難易奚啻倍蓰乃經一載最短之期限而成此長久偉大之盛事舉凡地理歷史建設交通物產戶籍禮俗政治教育人物藝術等項分門別類既詳且備又將古蹟名勝建築事物繪圖攝影令人一目了然可云盡美盡善矣茲當付梓之日鄙人適逢其會聊綴蕪言希付驥尾將來此志風行不僅作者之幸張北之幸鄙人亦與有榮焉

中華民國二十四年八月張北縣政府第二科科長郭永昌謹識

張北縣志

序

一

張北縣志序

蓋聞國有乘則興亡鑑省有書則勝衰明推之於縣豈可無專載者乎考郡縣建自軒轅秦代增備制度史冊詳焉且禹貢文垂則壤周官掌定小史近如總理建國大計獨側重乎縣此可見縣志之關係大矣否則當此地方新舊過渡時期倘不預謀詳悉之著訂誠恐年湮代遠不特一縣之疆域沿革不明甚至古蹟關隘人文物產政情禮俗均失所考證况地屬繁盛素稱爲口外各縣之首郡豈無足述者哉張北南接省垣北通多庫東控熱境西扼綏郊攘往熙來士商雲集屹然重鎮也曩隸內蒙習俗錮蔽清代屬理事廳管轄官廨設於張垣厥後道路交通移民漸衆耕田鑿井草昧漸開教澤旁流腥膻沐化由我邦多士請得上府之同情遂於民國初祚成立設治矣邇者戶口之多土地之廣出產之富以及鄉村教育社會建設罔不成效早收雖其風氣晚開而進步文明一日千里然則何可忽乎矧察省爲東北門戶之關鍵張北直當察屬外蒙出入之首衝一鱗一爪俱足千秋寸墨片文尤堪寶貴幸仗縣長陳公希文之提倡暨諸同志之努力搜集群材共襄盛舉用敢不揣固陋謹綴數言刊附篇末亦云幸矣

張北縣志

序

一

中華民國二十三年歲次甲戌梅月子良王永貴謹識

張北縣志序

張北縣志原無專書自有清乾隆二十三年宣化邑宰黃公可潤校梓口北道錢唐金副使所創三廳志始爲濫觴下逮清末其間一百五十餘年之歷史人物湮沒無徵洎民國十七年以前案卷迭經變故屢遭焚燬又竟付闕如欲旁求碩學俊彥之士反多初墾新遷之編氓尤無緣借著攻錯茲以歷代數千百年之文物典章全境三萬方里之物質人事處於無可稽攷無從詢訪環境之下然欲作邑乘主筆政困難特甚文獻不足孔聖難證况以不學無才之我曷克當此重任吾爲滋懼乃以張君子元充任館長誼屬老友聘爲總纂義不容辭遂忘駑駘勉強從事幸予居張十有五年矣所工作者既不外乎教育財政建設治安範圍之內所見聞者亦不出乎人情風俗習慣生活狀況之外雖稍知一二弗敢自信尤賴館長張君糾正謬誤採訪王君子登供給材料武君德厚補充圖表歷一寒暑遂歲事焉予以殘老餘生躬逢斯役不勝榮幸惟借助他山竟成其志深滋感愧行屆剗剗聊綴蕪語藉以賽責云爾

中華民國二十三年歲次甲戌梅月塞北許聞詩謹識

張北縣志

序

一

張北縣志序

張北地處邊陲文風素下邑乘史冊既不獲觀齊東軼聞尤不多覩舊雖有口北三廳志一書亦非本縣專著語焉不詳雖美不備况本縣近廿年來凡百庶政突飛猛進現已形成塞上之重鎮爲開發西北之樞紐關係綦重人事日繁若無精切之記載則將來更何有覈實之攷證耶故編纂縣志爲刻不容緩之舉惟天下事創始者難續述者易孔聖猶以述而不作爲戒况其下焉者歟本縣旣無舊志之憑藉不得不另起爐竈別謀途徑較之其他各縣志難乎易乎幸賴

縣長陳公希文之宏猷碩畫張館長子元許總纂得三之夙夜匪懈勾玄剔微及諸同仁之焚膏繼晷刻苦努力經一載而始克完成偉矣大哉所謂有非常之功必待非常之人信不誣也今縣志屬稿旣畢將付剞劂出示於予惜予不善爲文曷敢貽續貂之譏惟生長斯土而縣志爲一縣之重大文獻傳萬世之鉅製又豈能無一言以誌盛事乎故摭拾蕪辭用以爲序

中華民國二十四年瓜月中浣邑人焦忠謹識

張北縣志

序

一

張北縣志跋

凡國家一切大事莫不歸納於史乘而地方縣志之構成亦猶是乎緣以一縣之沿革疆域關隘山水城池堡寨名勝古蹟建置交通風土政教人事典章稽古徵今蒐集編纂而成者也張北縣志昔無成書自民國十八年雖有作縣志之議終未果行癸酉之冬縣令陳公希文奉令主編遴委邑紳張君子元爲館長延聘吾師許翁得三爲總纂始正式成立縣志館當此縣志館成立之日正值兵燹浩劫之餘瘡痍滿目百事廢弛遑論修志乃諸公不避艱險戮力同心周諮博訪夙夜匪懈編年紀事綱舉目張分門別類有條不紊乃甫葺年初稿大致就緒繼而修飾之潤色之積半載於焉告成而付梓焉繼茲以往地方之繁榮農村之復興實業之發展風俗之改善鄉賢名宦之繼起節婦烈女之迭出從此觀感奮興日漸精進亦意中事也追源溯流陳公力歟張君功歟抑亦吾師許翁心血結晶所成歟爰筆記之書諸志末以供後來者參攷焉已耳

中華民國二十四年七月張北縣王廷貴謹跋

張北縣志

序

一一

總 理 遺 像



總 理 遺 囑

余致力國民革命凡四十年其
目的在求中國之自由平等積
四十年之經驗深知欲達到此
目的必須喚起民衆及聯合世
界上以平等待我之民族共同
奮鬥

現在革命尙未成功凡我同志
務須依照余所著建國方略建
國大綱三民主義及第一次全
國代表大會宣言繼續努力以
求貫徹最近主張開國民會議
及廢除不平等條約尤須於最
短期間促其實現是所至囑